



ჯანმრთელობის დაცვის და სოციალურ საკითხთა

კომისიის სხდომის ოქმი №24

19 აპრილი 2023 წელი

13:00 საათი

ა/წ 19 აპრილს ქ.თბილისის მუნიციპალიტეტის საკრებულოში ჩატარდა ჯანმრთელობის დაცვის და სოციალურ საკითხთა კომისიის სხდომა.

სხდომას ესწრებოდნენ ჯანმრთელობის დაცვის და სოციალურ საკითხთა კომისიის წევრები:

1. ზურაბ ჩიკვილაძე;
2. ანა კაკაბაძე;
3. ლევან აბაშიძე;
4. სოფიო ჯაფარიძე;
5. ლილე ლიპარტელიანი;
6. მამუკა გუგეშაშვილი;
7. ვახტანგ სურგულაძე.

მოწვეული პირები:

ქალაქ თბილისის მუნიციპალიტეტის მერიის ჯანდაცვისა და სოციალური მომსახურების საქალაქო სამსახურის უფროსი გელა ჩივიაშვილი;

სხდომის დღის წესრიგი:

- ქალაქ თბილისის მუნიციპალიტეტის ტერიტორიაზე უსახლვაროდ რეგისტრაციისა და თავმჯდომარეობის უზრუნველყოფის წესის დამტკიცების შესახებ;

სხდომას თავმჯდომარეობდა ჯანმრთელობის დაცვის და სოციალურ საკითხთა კომისიის თავმჯდომარე ზურაბ ჩიკვილაძე. სხდომის თავმჯდომარემ სხდომა გახსნილად გამოაცხადა,

დამსწრე წევრებს წარუდგინა ჯანმრთელობის დაცვის და სოციალურ საკითხთა კომისიის სხდომის დღის წესრიგი და სიტყვა გადასცა საკითხის წარმომდგენს, ქალაქ თბილისის მუნიციპალიტეტის მერიის ჯანდაცვისა და სოციალური მომსახურების საქალაქო სამსახურის უფროსს გელა ჩივიაშვილს;

დადგენილების პროექტის თანახმად, მტკიცდება „ქალაქ თბილისის მუნიციპალიტეტის ტერიტორიაზე უსახლვაროდ რეგისტრაციისა და თავშესაფრით/საცხოვრისით უზრუნველყოფის წესი” და უსახლვაროდ რგისტრაციის მსურველი პირის განაცხადების ფორმები, დანართების სახით.

მოქმედი რედაქციისაგან განსხვავებით, წარმოდგენილი პროექტით ცალ-ცალკეა გაწერილია უსახლვარო პირად და უსახლვარო ოჯახად რეგისტრაციის კრიტერიუმები. იმისათვის, რომ პირი დარეგისტრირდეს უსახლვაროდ უნდა აკმაყოფილებდეს შემდეგ კრიტერიუმებს: თბილისის მუნიციპალიტეტის ტერიტორიაზე რეგისტრაცია, საქართველოს მოქალაქეობა, ამასთან თუ პირის თავშესაფრით/საცხოვრისით უზრუნველყოფა რეგულირდება სხვა კანონმდებლობით, პირს ეცნობება უარი უსახლვარო პირად რეგისტრაციის თაობაზე. იმისათვის რომ პირმა მიიღოს უსახლვარო პირის სტატუსი აუცილებელია დადგენილებით დამტკიცებული განაცხადის ფორმის შევსებისას, მონიშვნის ფორმით გამოხატოს თანხმობა თავშესაფრით სარგებლობასთან დაკავშირებით, წინააღმდეგ შემთხვევაში პირი არ დარეგისტრირდება უსახლვაროდ.

პროექტში გაწერილია უსახლვარო ოჯახად რეგისტრაციის კრიტერიუმები, სადაც მოქმედ წესთან შედარებით არაფერია შეცვლილი.

უსახლვარო ოჯახად რეგისტრაციის გამომრიცხავ გარემოებებში დამატებულია, რომლის მიხედვითაც უსახლვაროდ რეგისტრაციის მსურველი ოჯახის შესახებ თუ შესაბამისი გამგეობა ვერ მოიპოვებს ინფორმაციას, ეს იქნება უარის თქმის საფუძველი. აღნიშნული ჩანაწერი მითითებული იყო განუხილველად დატოვების მუხლში და გადმოვიდა გამომრიცხავ გარემოებებში. წესში ასევე ცალკე მუხლადაა გაწერილი უსახლვარო ოჯახად რეგისტრაციის განაცხადის განუხილველად დატოვების პირობები. ასევე ცალკე მუხლადაა გამოტანილი უსახლვაროდ რეგისტრაციის პროცედურა, სადაც შინაარსობრივად არაფერია შეცვლილი.

მოქმედ წესთან შედარებით, წარმოდგენილ პროექტში კომისიის მიერ უსახლვარო ოჯახად რეგისტრირებული ოჯახისათვის ქულათა მინიჭების სისტემაში მითითებული მკვეთრად ან მნიშვნელოვნად შეზღუდული შესაძლებლობის მქონე ოჯახის წევრ(ებ)ისათვის 2 ქულის ნაცვლად მითითებულია 3 ქულა.

მოქმედ წესთან შედარებით შეცვლილია უსახლვაროდ დარეგისტრირებული ოჯახების საცხოვრისით უზრუნველყოფის პროცედურა, კერძოდ, უსახლვაროდ რეგისტრირებული და

ქულა მინიჭებული ოჯახების შესახებ ინფორმაცია ეგზავნება მუნიციპალიტეტის რაიონის გამგეობებს (უსახლკარო ოჯახების რეგისტრაციის მისამართის მიხედვით). თავის მხრივ, რაიონისათვის მიწოდებული ოჯახების საცხოვრისით დაკმაყოფილების რიგითობა განისაზღვრება ქულის მიხედვით, თითოეულ რაიონში პირველ ეტაპზე ფართის მოძიების თაობაზე დაკავშირება ხდება უფრო მაღალი ქულის მქონე ოჯახებთან. ქულათა დამთხვევის შემთხვევაში აღნიშნული რეგულირდება უსახლკარო ოჯახის სტატუსის მინიჭების თარიღით, იმ შემთხვევაში თუ სტატუსის მინიჭების თარიღიც იგივეა, აღნიშნული რეგულირდება განაცხადის შემოტანის თარიღით. ფართის მოძიების შემდგომ, გამგეობა აყენებს შუამდგომლობას ქალაქ თბილისის მუნიციპალიტეტის სსიპ ქონების მართვის სააგენტოსთან, კონკრეტული ოჯახისთვის ფართის შემენის თაობაზე. სათანადო ექსპერტიზის გავლის შემდგომ სააგენტო ახდენს ფართის შემენას. ფართის შემენის შემდეგ გამოსცემს ბრძანებას აღნიშნული ფართის ა(ა)იპ თბილისის მუნიციპალური თავშესაფრისთვის უსასყიდლო უზუფრუქტით გადაცემის თაობაზე. პარალელურად, აცნობებს სამსახურს შესაბამისი ბრძანების გამოცემის თაობაზე. გამგეობა აწვდის ინფორმაციას სამსახურს კონკრეტული ოჯახისთვის კონკრეტული ფართის შემენის თაობაზე. ქონების სამსახურიდან გადმოგზავნილი სააგენტოს უფროსის ბრძანებისა და გამგეობის ინფორმაციის საფუძველზე, ოჯახის საცხოვრისით უზრუნველყოფის შესახებ გადაწყვეტილებას იღებს (განკარგულების სახით) ქალაქ თბილისის მუნიციპალიტეტის მთავრობა. ოჯახისთვის შეიძლება განხორციელდეს უკვე არსებულ სოციალურ საცხოვრისებში გამოთავისუფლებული ფართის შეთავაზებაც, რომელსაც ახორციელებს სამსახური.

მოქმედი წესისაგან განსხვავებით დამატებულია გარდამავალი დებულების მე-8 მუხლი, კერძოდ, უსახლკაროდ რეგისტრირებული და ქულა მინიჭებული ოჯახებიდან პირველ რიგში კმაყოფილდებიან 2016-2021 წლებში უსახლკაროს სტატუს მინიჭებული ოჯახები ამავე წესის მე-7 მუხლში გაწერილი პროცედურის მიხედვით.

წარმოდგენილი პროექტით, ძალადაკარგულად ცხადდება „ქალაქ თბილისის მუნიციპალიტეტის ტერიტორიაზე უსახლკაროდ რეგისტრაციისთვის დამტკიცების შესახებ“ ქალაქ თბილისის მუნიციპალიტეტის საკრებულოს 2019 წლის 12 თებერვლის №37-14 დადგენილება.

კომისიის წევრი ანა ვაკაბაძე დაინტერესდა რამდენმა ერთსულიანმა ოჯახმა გააკეთა განაცხდი უსახლკაროდ რეგისტრაციისთვის. აღნიშნულთან დაკავშირებით გელა ჩივიაშვილმა განმარტა, რომ 2000 განცხადებიდან დაახლოებით 40% ერთსულიანი ოჯახის განაცხადია.

აქვე, საკითხის წარმომდგენმა ითხოვა და ჯანმრთელობის დაცვის და სოციალურ საკითხთა კომისია დაეთანხმა, წარმოდგენილ პროექტში შევიდეს ცვლილება და

მუხლი 4. უსახლვარო ოჯახად რეგისტრაციის კრიტერიუმების მე-2 პუნქტი ნაცვლად,

2. უსახლვარო ოჯახად რეგისტრაციის გამომრიცხავი გარემოებები:

ა) ქონებრივი, საოჯახო ან/და სხვა ისეთი გარემოებების გამოვლენისას, რომლებიც ადასტურებენ ოჯახის შესაძლებლობას, უზრუნველყოფილი იყოს საცხოვრისით ან მის მიმართ მესამე პირის ვალდებულებას საცხოვრისით უზრუნველყოფაზე (გარდა იმ შემთხვევისა, როცა ამ ვალდებულების შესრულება სამართლებრივი ან/და ფაქტობრივი გარემოებების გამო შეუძლებელია);

ჩამოყალიბდეს შემდეგი რედაქციით:

მუხლი 4. უსახლვარო ოჯახად რეგისტრაციის კრიტერიუმები

2. უსახლვარო ოჯახად რეგისტრაციის გამომრიცხავი გარემოებები:

ა) ისეთი გარემოებების გამოვლენისას, რომლებიც ადასტურებენ ოჯახის შესაძლებლობას, უზრუნველყოფილი იყოს საცხოვრისით ან მის მიმართ მესამე პირის ვალდებულებას საცხოვრისით უზრუნველყოფაზე (გარდა იმ შემთხვევისა, როცა ამ ვალდებულების შესრულება სამართლებრივი ან/და ფაქტობრივი გარემოებების გამო შეუძლებელია);

წარმოდგენილი ცვლილება დადებითად შეაფასა კომისიის თავმჯდომარემ ზურაბ ჩიკვილაძემ და სხდომის დღის წესრიგით გათვალისწინებული საკითხი აღნიშნული ცვლილებებით დააყენა კენჭისყრაზე., საკითხს დამსწრე კომისიის წევრების უმრავლესობამ დაუჭირა მხარი.

მომხრე: 6

წინააღმდეგი: 0

თავი შეიკავა: 1

კომისიამ დაადგინა

პროექტი წარმოდგენილი ცვლილებებით განხილული იქნას საკრებულოს უახლოეს სხდომაზე ჯანმრთელობის დაცვის და სოციალურ საკითხთა კომისიის უმრავლესობის დადებითი რეკომენდაციით.

კომისიის სხდომის თავმჯდომარემ სხდომა დახურულად გამოაცხადა.

ჯანმრთელობის დაცვის და სოციალურ საკითხთა კომისიის თავმჯდომარე



ზურაბ ჩიკვილაძე